

全州志卷之三

學校

學校聿興人材斯出雖古今異制鄉國殊科而興賢育才其義則一春秋禮樂冬夏詩書讀說於斯顧名思義能無奮然興瞿然化歟志學校

學制

虞夏商周四代之學王制云有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠天子曰辟雍諸侯曰頴宮樂正崇四術立四教順先王詩書禮樂以造士春秋教以禮樂冬夏教

全州志

卷之三 學校

一

以詩書凡入學以齒漢興高祖未遑庠序之事至武帝因公孫宏請爲博士置弟子五十人復其身太常擇民十八以上儀狀端正者補博士弟子唐太宗增創學舍一千二百間國學太學四門亦增生員其書算各置博士凡三百六十員其屯營飛騎亦給博士授以經業高麗諸國亦遣子弟請入國學國學之盛近古未有唐制京都學生八十人大都督府中都督府上州各六十人下都督府中州各五十人下州四十人京縣五十人上縣四十人中縣中下縣各三十五人下縣三十人州縣學生州縣長官補長史主焉每歲仲冬州縣館監舉其成者送之尚書省宋仁宗慶歷中范仲淹等建議請□

學校本行實乃詔州縣立學時胡瑗教授於蘇湖是口
方尚詞賦獨湖學以經義時務有經義齋擇通經有器
局者居之有治事齋人各治一事又兼一事如邊防水
利之類故天下謂湖學多秀彥其出而筮仕往往取高
第及爲政多適於世用由講習有素也至是詔州縣皆
立學於是建太學於京師而有司請下湖州取瑗法以
爲太學法著爲令程頤看詳學制蓋以宋制有外舍內
舍上舍之法月一私試歲一公試補內舍生間歲一合
試補上舍生上舍分三等上等命以官中等免禮部試
下等免解夫以禮義相先之地而月使之爭殊非教養
之道請改試爲課有所未至則學官召而教之更不考

全州志

卷之三 學校

二

定高下鑄解額以去利誘省繁文以專委任勵行檢以
厚風教明洪武未卽位之先卽建國子學二年詔天下
府州縣立學八年詔立社學方其初立學也擢許存仁
爲博士以專學事四年陞學士爲四品始設祭酒卽拜
存仁爲之

本朝學制如舊順治九年禮部頒條約八款發刻學宮曰
臥碑附後

朝廷建立學校選舉生員免其丁糧厚以廩膳設學院學
道學官以教之各衙門官以禮相待全要養成賢才以
供

朝廷之用諸生皆當上報

□恩下立人品所有教條開列於後

一生員之家父母賢智者子當受教父母愚魯或有非爲□子既讀書明理當再三懇告使父母不陷于死亡一生員立志當學爲忠臣清官書記所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者遑遑自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切

全州志

卷之三 學校

三

己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者提調官治罪

文廟始於宋慶歷四年舊基在州城東北隅紹興十三年郡守高楫創建於鳳凰山之陽卽今地嘉定間教授□

□行建登科題名碑元至正八年燬於獠十年□□□
亨祖重建明洪武四年郡守章復以舊明倫堂狹隘□
創於大成殿後堂齋射圃一新宣德九年知州周健□
修又創尊經閣以貯書籍改鑿泮池於戟門前作步雲
橋於學之南正德間按察副使劉君節建名宦鄉賢祠
于學之西南正德癸酉知州顧璘重修又因全寧樓故
址建翔鳳樓嘉靖九年奉詔建啓聖祠於學西又建敬
一箴亭於學北明萬歷以迄啓正屢圯屢修誌缺未詳
本朝順治十六年巡按御史李秀重修尋圯康熙二十年
知州徐泌倡紳士捐修巡撫都御史郝浴入境謁廟捐
資助焉雍正二年知州張學林首倡紳士爭輸於是撤

全州志

卷之三 學校

四

而新之

論曰郡縣立學至明而備可謂知政本矣 國家雖因
其制而崇儒重道之心且百倍之至於臥碑之設訓飭
之文視唐虞直寬剛簡之教不是過也夫上作而倡下
奉而行諸君子祇承德意以勿墮教基對彼腴民膏以
崇異端者奚啻床上下哉

釋菜

周禮大司樂掌成均之法以治建國之學政而合國之子
弟焉凡有道者有德者使教焉沒則以爲樂祖祭於瞽
宗大胥春入學舍菜合舞王制天子出征反釋奠於學
以訊馘告月令仲春上丁命樂正習舞釋菜仲丁又命

樂正入學習樂文王世子凡學春官釋奠於先師秋冬亦如之○漢高帝過魯以大牢祀孔子平帝元年初追謚孔子曰褒成宣尼公安帝延光三年祀孔子及七十二弟子於闕里○魏正始七年令大常釋奠祀孔子於辟雍以顏淵配漢以來釋奠之禮始此前此祀孔子者皆于闕里至是始行於太學劉宋文帝採晉故事裴松之議應舞八佾宜設軒懸之樂○元魏文成帝詔宣尼廟別勅有司行薦享禮○隋制國子學每歲四仲月上丁釋奠於先聖先師州縣學則以春秋仲月釋奠○唐高祖武德二年詔國子學立周公孔子廟各一所四時致祭太宗貞觀二年左僕射房元齡等議庠序置奠本緣孔子故晉宋梁陳及隋皆以

孔子爲先聖顏淵爲先師請停周公升孔子爲先聖以顏淵配從之貞觀二十年詔皇太子於國學釋奠於先聖先師皇太子爲初獻國子祭酒爲亞獻司業爲終獻諸州刺史爲初獻上佐爲亞獻博士爲終獻縣學令爲初獻丞爲亞獻無博士主簿爲終獻又詔以左丘明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服子慎何休王肅王弼杜預范甯賈逵二十二人代用其書垂于國胄並令配享尼父廟高宗追贈孔子爲太師顏回太子少師曾參太子少保並配享孔子廟開元二十七年追謚孔子爲文宣王顏子爲兗國公閔損等九人爲侯曾參□□

□○宋太祖建隆三年詔廟門立戟十六眞宗□□□
追謚孔子爲元聖文宣王尋以犯祖諱改元聖爲至聖
神宗以孟子同顏子配食宣聖荀況楊雄韓愈並從祀
徽宗崇寧四年從司業蔣靜請文宣王用冕十二旒服
九章又詔躋子思從祀大觀四年詔先聖廟用戟二十
四文宣王執鎮圭並用王者之制理宗加周惇頤張載
程顥程頤封爵與朱熹並從祀孔子廟庭又加張栻呂
祖謙伯爵從祀孔子度宗以顏回曾參孔伋孟軻並配
孔子升顥孫師於十哲列邵雍司馬光從祀○元成宗
大德十二年制加孔子號曰大成仁宗以許衡從祀孔
子文宗加封顏回爲兗國復聖公曾參郕國宗聖公孔

伋沂國述聖公孟軻鄒國亞聖公又加孔子父母封爵
始以董仲舒從祀孔子○明洪武三年禮部更定釋奠
孔子祭器禮物正位犢一羊一豕一籩豆各十登一□
一簋簋各二酒尊三爵三初孔子之祀像設高座而器
物陳于座下弗稱其儀其來已久至是定擬各爲高案
其籩豆簋簋悉代以瓷器詔孔子封爵仍舊每歲二丁
傳制遣官祭於國學每月朔望遣內臣降香朔日則祭
酒行釋菜禮四年令進士釋褐詣國學行釋菜禮十五
年詔天下儒學通祀孔子頒釋奠儀二十六年頒大成
樂器於天下府學令州縣如式製造二十九年黜楊□
從祀進漢董仲舒後凡遇登極皆遣官祭告闕里永□

八年正文廟聖賢繪塑衣冠令合古制十九年北京口
子監既定其南監二祭命祭酒行禮稱皇帝謹遣正統
元年刊定從祀各爵位次頒行天下二年以宋胡安國
蔡沈真德秀從祀三年禁祀孔子釋老宮八年追封元
吳澄爲臨川郡公從祀成化二年封漢董仲舒爲廣川
伯胡安國建寧伯蔡沈崇安伯真德秀浦城伯宏治九
年封宋楊時爲將樂伯從祀嘉靖九年允輔臣張璁議
去封號易像以木主題曰至聖先師孔子神位改大成
殿爲先師廟殿門爲廟門四配稱復聖顏子宗聖曾子
述聖子思子亞聖孟子神位十哲以下及門弟子皆稱
先賢某子之位申黨卽申棖祀止存棖削不當祀者二

十人公伯寮秦冉顏何荀況戴聖劉向賈逵馬融何休
王肅王弼杜預俱罷祀林放蘧瑗鄭衆盧植服虔范甯
鄭康成吳澄改祀于其鄉增祀者五人后蒼王通胡瑗
陸九淵歐陽修凡籩豆樂舞之數皆更定焉其內臣降
香亦罷隆慶五年以薛瑄從祀萬歷十二年以王守仁
陳獻章胡居仁從祀二十三年以宋周敦頤父輔成從
祀啓聖祠學宮左祀啓聖公叔梁紇以先賢顏無繇曾
點孔鯉孟孫激配以宋儒周輔成程珦朱松蔡元定從
祀古未有專祀自明嘉靖始從輔臣張璁等議也

位次

大成殿正中

至聖先師孔子

東配西向

復聖顏子名回字子淵魯人少孔子三十歲

述聖子思名伋孔子孫

西配東向

宗聖曾子名參字子輿南武城人少孔子四十六歲

亞聖孟子名軻字子輿鄒人受業子思之門人

東哲西向

先賢閔子名損字子騫魯人少孔子十五歲

先賢冉子名耕字伯牛魯人

先賢端木子名賜字子貢衛人少孔子三十一歲

全州志

卷之三

學校

八

先賢仲子名由字子路一字季路卞人少孔子九歲

先賢卜子名商字子夏衛人少孔子四十四歲

先賢有子名若字子有魯人少孔子十三歲乾隆三年

升配

西哲東向

先賢冉子名雍字仲弓伯牛之宗族少孔子二十九歲

先賢宰子名予字子我魯人

先賢冉子名求字子有魯人少孔子二十九歲

先賢言子名偃字子游吳人少孔子四十五歲

先賢顓孫子名師字子張陳人少孔子四十八歲

先賢朱子名熹字元晦一字仲晦徽州婺源縣人康□

五十一年升記

東廡

先賢蘧瑗見文翁圖史記云孔子之所嚴事於衛蘧伯玉則非弟子也明嘉靖時改祀於鄉雍正二年復祀

先賢澹臺滅明字子羽武城人少孔子三十九歲

先賢原憲字子思魯人家語云宋人少孔子三十六歲

先賢南宮适家語作縉字子容孟僖子之子居南宮因

姓焉

先賢商瞿字子木魯人少孔子二十九歲孔子傳易于

子木

先賢漆雕開字子開魯人家語云蔡人字子若少孔子

全州志

卷之三 學校

九

十歲

先賢司馬耕字子牛宋人

先賢梁鱣一作鯉字叔魚齊人少孔子二十九歲

先賢冉儒字子魯一作子曾魯人少孔子四十六歲

先賢伯虔字子析少孔子五十歲

先賢冉季字子產魯人

先賢漆雕徒父

先賢漆雕哆字子敘魯人

先賢公西赤字子華魯人少孔子四十二歲

先賢任不齊字選楚人

□□公良□字子正陳人□□□□□□□□□□□□

車五□□

先賢公肩定肩史記作堅字子中魯人或曰晉人

先賢鄒單字子家家語不載

先賢罕父墨字子索

先賢榮旂字子祺

先賢左人郢字行魯人

先賢鄭國字子徒家語云薛邦字徒史記作國避高祖

諱也薛與鄭字誤耳

先賢原亢字籍

先賢廉潔字庸衛人

先賢叔仲會字子期晉人

全州志

卷之三 學校

十

先賢公西輿如字子上

先賢邾異家語作選字子斂魯人

先賢陳亢見家語字子禽

先賢琴張見家語字子牢一曰字子開衛人

先賢步叔乘字子車齊人

先賢秦非字子之魯人

先賢顏噲字子聲魯人

先賢顏何字冉魯人雍正二年復祀

先賢縣亶見家語

先賢樂正克魯人孟子弟子雍正二年從祀

先賢萬章孟子弟子雍正二年從祀

先賢局敦頤初名敦實避英宗舊諱改之字茂叔號□
溪道州人

先賢程顥字伯淳世居中山後徙河南學者稱明道先
生

先賢邵雍字堯夫其先范陽人徙衡漳共城又徙河南
自號安樂先生

先儒穀梁赤一名淑一名喜字元始魯人受經於子夏
先儒伏勝字子賤故爲秦博士史記言尚書自濟南伏
生

先儒后蒼字近君東海郟人通詩禮作曲臺記
先儒董仲舒廣川人

全州志

卷之三 學校

十一

先儒杜子春河南人

先儒范甯字武子順陽人雍正二年復祀

先儒韓愈字退之懷縣人

先儒范仲淹字希文吳人康熙五十五年從祀

先儒胡瑗字翼之海陵人

先儒楊時字中立南劔將樂人學者稱龜山先生

先儒羅從彥字仲素南劔人學者稱豫章先生

先儒李侗字愿中劔浦人朱子嘗受業焉學者稱延平
先生

先儒張栻字敬夫號南軒廣漢人

先儒黃幹字直卿號勉齋福州□人受業朱子雍正

二年從祀

先儒眞德秀本姓慎避孝宗諱改焉字希元號西山浦城人

先儒何基字子恭婺州金華人雍正二年從祀

先儒趙復字仁甫號江漢先生德安人雍正二年從祀

先儒吳澄字幼清號草廬撫州崇仁人乾隆三年復祀

先儒許謙字益之號白雲先生其先京兆人由平江徙

金華雍正二年從祀

先儒王守仁字伯安號陽明餘姚人

先儒薛瑄字德溫河津人

先儒羅欽順字允升號整庵泰和人雍正二年從祀

全州志

卷之三

學校

十二

先儒陸隴其號稼書謚清獻平湖人雍正二年從祀

西廡

先賢林放魯人見文翁圖明嘉靖時改祀於鄉雍正二
年復祀

先賢宓不齊字子賤魯人少孔子四十九歲宓同伏伏
生其後也

先賢公冶長字子長齊人家語云魯人名萇范甯云字
子芝

先賢公皙哀字季次齊人見史記貨殖傳

先賢高柴字子羔衛人家語云齊人

先賢樊須字子遲魯人少孔子三十六歲

先賢商澤字子季

先賢巫馬施字子旗少孔子三十歲

先賢顏辛一作幸字子柳魯人少孔子四十六歲

先賢曹卣字子循少孔子五十歲

先賢公孫龍字子石或曰楚人或曰衛人孟子曰趙人

少孔子五十三歲

先賢秦商字子丕楚人家語曰魯人字丕茲

先賢顏高字子驕孔子在衛南子招孔子爲次乘顏高

爲御

先賢壤駟赤字子徒秦人

先賢石作蜀字子明

全州志

卷之三

學校

十三

先賢公夏首字乘魯人

先賢后處字子里齊人

先賢奚容蒧字子皙衛人

先賢顏祖字襄魯人

先賢句井彊句一作勾衛人

先賢秦祖字子南秦人

先賢縣成字子祺魯人

先賢公祖句茲句一作鈞字子之

先賢燕伋字思

先賢樂款字子聲魯人

先賢狄黑字皙

先賢孔忠字子蔑孔子兄子

先賢公西蒧字子上家語作子尚魯人

先賢顏之僕字叔魯人

先賢施之常字子恒

先賢申枏一作黨字周魯人

先賢左邱明魯之太史孔子將修春秋與左邱明乘如

周觀書於周史歸而作春秋之經邱明爲之傳

先賢秦冉字開雍正二年復祀

先賢牧皮雍正二年復祀

先賢公都子孟子弟子雍正二年從祀

先賢公孫丑齊人孟子弟子雍正二年從祀

全州志

卷之三 學校

十四

先賢張載字子厚長安人學者稱橫渠先生

先賢程頤字正叔學者稱伊川先生

先儒公羊高齊人受經於子夏

先儒孔安國孔子後也得壁中尙書獻之遭巫蠱事未

列於學宮司馬遷從安國問古文尙書故史記載尙

書多古文說

先儒毛萇毛公趙人也治詩爲河間獻王博士

先儒高堂生謝承云秦氏季代有魯人高堂伯則伯是

其字云生者自漢以來儒者皆號生

先儒鄭康成北海高密人所注周易尙書毛詩儀禮禮

記論語孝經尙書大傳中候乾象歷又著天文七政

論魯禮禘祫義六藝論毛詩譜駁許慎五經異義
臨孝存周禮難雍正二年復祀

先儒諸葛亮字孔明瑯琊陽都人雍正二年從祀

先儒王通字仲淹絳州龍門人

先儒司馬光字君實涑水人

先儒歐陽脩字永叔廬陵人

先儒胡安國字康侯建寧崇安人

先儒尹焞字彥明一字德充洛人雍正二年從祀

先儒呂祖謙字伯恭丞相好問之孫居婺州學者稱東

萊先生

先儒蔡沈字仲默建州建陽人受業朱子學者稱九峯

全州志

卷之三 學校

十五

先生

先儒陸九淵字子靜金谿人

先儒陳淳字安卿號北溪漳州龍溪人受業朱子雍正

二年從祀

先儒魏了翁字華甫號鶴山邛州蒲江人雍正二年從

祀

先儒王柏字會之婺州金華人雍正二年從祀

先儒許衡字平仲號魯齋懷之河內人

先儒金履祥字吉父號仁山先生婺之蘭溪人雍正二

年從祀

先儒陳澹都昌人雍正二年從祀

先儒陳獻章字公甫號白沙新會人

先儒胡居仁字叔心號敬齋餘千人

先儒蔡清字介夫號虛齋晉江人雍正二年從祀

崇聖祠

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公 俱於雍正元年追封

東配西向

先賢顏無繇字路復聖父

全州志

卷之三 學校

十六

先賢孔鯉字伯魚述聖父

西配東向

先賢曾點字子皙宗聖父

先賢孟孫氏亞聖父

東從祀

先儒周輔成周子父

先儒程珦二程子父

先儒蔡元定字季通學者稱西山先生蔡子父

西從祀

先儒張廸張子父雍正二年從祀

先儒朱松字喬年朱子父

樂章

舊志樂章沿前明之舊迎神奏咸和之曲初獻奏寧和之曲亞獻奏安和之曲終獻奏景和之曲徹饌奏咸和之曲送神同

大哉宣聖道德尊崇維持王化斯民是宗典祀有常精純並隆神其來格於昭聖容

迎神

自生民來誰底其盛維師神明度越前聖粢帛具成禮容斯稱黍稷非馨維神之聽

初獻

大哉聖神實天生德作樂以崇時祀無斃清酤維馨嘉牲孔碩薦羞神明庶幾昭格

亞獻

百王宗師生民物軌瞻之洋洋神其寧止酌彼金罍維

全州志

卷之三

學校

十七

清且旨登獻於三於嘻成禮

終獻

犧象在前豆籩在列以享以薦既芬既潔禮成樂備人和神悅祭則受福率遵無越

徹饌

有嚴學宮四方來崇恪恭祀事威儀雝雝歆茲維馨神馭還復明禋斯畢咸受百福

送神

康熙五十五年題准

欽定樂章諸曲皆取平字之義州縣未經頒發仍錯用和字著直省各巡撫通行府州縣儒學春秋丁祭一體贊奏

迎神樂奏咸平之章

大哉至聖峻德安功敷文衍化百王是崇典則有常

茲辟雍有虔簠簋有嚴鼓鐘

初獻樂奏寧平之章

覺我生民陶鑄前聖巍巍泰山實予景行禮備樂和豆
籩惟靜既述六經爰斟三正

亞獻樂奏安平之章

至哉聖師天授明德木鐸萬世式是羣辟清酒維醕言
觀秉翟大和常流英材斯植

終獻樂奏景平之章

猗與素王示予物軌瞻之在前神其寧止酌彼金罍惟
清且旨登獻既終弗遐有喜

徹饌樂奏咸平之章

全州志

卷之三

學校

十八

璧水淵淵崇牙業業既歆宣聖亦示十哲聲金振玉告
茲將徹醴假有成羹牆靡愒

送神樂奏咸平之章

煌煌學宮四方來宗甄陶胄子暨予微躬思皇多士膚
奏厥功佐予永清三五是隆

雍正八年重頒

欽定樂章通行直省至今遵奏

迎神奏咸平之章

大哉孔子先覺先知與天地參萬世之師祥徵麟紱□
答金絲日月既揭乾坤清夷

初獻奏寧平之章

子懷明德玉振金聲生民未有展也大成俎豆千古□
秋上丁清酒既載其香始升

亞獻奏安平之章

式禮莫愆升堂再獻響協鼗鏞誠孚壘獻肅肅雍雍譽
髦斯彥禮陶樂淑相觀而善

終獻奏景平之章

自古在昔先民有作皮弁祭菜於論思樂惟天牖民惟
聖時若彝倫攸敘至今木鐸

徹饌奏咸平之章

先師有言祭則受福四海饗宮疇敢不肅禮成告徹毋
疏毋瀆樂所由生中原有菽

全州志

卷之三 學校

十九

送神奏咸平之章

鳧繹峩峩洙泗洋洋景行行止流澤無疆聿昭祀事祀
事孔明化我蒸民育我膠庠

共四配十哲兩廡以次遞舉

八月二十七日

至聖生辰以牲醴致祭是日禁屠宰

論曰國家置郡立邑首崇文廟載在會典隆殺煩簡罔
有弗當鉶鼎樂舞罔或弗備升降奠灌罔敢弗虔蓋所
以尊禮之者至矣昔者司馬子長適魯登廟堂覩其車
服禮器諸生以時習禮其問則低徊留之而不能去今
高山景行不必東山及階升堂依然闕里追思告□□

在於前其知敬哉其知敬哉

書院

清湘書院在北門外二里柳山自宋刺史柳仲塗作讀書

堂於此後林侯岳即故基建齋舍賓致髦彥寶慶丁亥

理宗三年

程侯榆奏賜清湘書院額德祐元年丙子燬於寇

案柳宗

未亡當用恭帝年號宗監元人故尊本朝耳時元

貞丙申

成宗二年

耿總管大節復興之元統癸酉順帝柳侯

宗監仍故址為屋百五十八楹作齋池上五十二楹明

正德甲戌

武宗九年

顧侯璘與中丞梅軒蔣公倡為興復正

寢為燕居堂堂後為柳侯祠祠後為率性堂堂左甲峯

右寸月稍北為熙熙亭有泉曰應泉又上則俟賢亭登

全州志

卷之三 學校

二十

春臺極高明仰高亭疊焉燕居而下有杏壇咏歸靜觀

育德諸亭又有秋高曲水二亭

一統志省志有此二亭

本朝康熙二十六年州守崔廷俞重修之今復鞠為茂草矣

案柳山泉石絕勝居其間者實有江山之助自宋迄明

諸君子廢脩墜舉豈徒為游觀侈哉亦教基之所在焉

耳故當時俊乂弦誦彬彬與鄒魯等今全沐 國家休

養已百餘年而作人之區猶未暇也然茲地峯環谷合

水石清秀苟有繼前賢之美蹟攄譽髦之盛心選勝開

宇其能舍諸

湘山書院在湘山寺東畔堂前列桂成行嘉靖九年督學

□□建今廢

鳳坡書院在州治西今爲王侯祠康熙四十八年州守邱璋徐唐先後修建

梅潭書院在城北三十里梅潭上傍有青獅石明侍郎蔣淦建今廢

明經書院在建鄉宋知州鄧公立久廢

璜溪書院在恩鄉元至正七年建有先師遺像碑存焉明正統九年重修今廢

清湘書院乾隆五十年州守陳肇輅於城內北隅創建前爲講堂後爲齋室旁爲學舍仍顏之曰清湘不忘古也設立規條教士並置學田以給膏火其建置事宜具載書院碑記

全州志

卷之三 學校

二十一

論曰古者閭黨鄉國莫不有學士自八歲卽無可逸之時教至密也書院其遺意乎宋胡安定以經義治事坐而言者鑿鑿乎起而能行嘗下其法于他州而著爲令欲譽髦斯士者舍茲何以哉全之書院俱廢不講久矣賢牧振興之雅其尚可忘乎惟君子能復古蓋深幸有之也